

洞玄靈寶道士受三洞經誡法錄擇日曆

京三洞弟子清都觀道士張萬福撰

伏尋三洞經教四輔法文元始所說道君傳授而衆聖修行群真禮誡秘之三境流布十方代歷塵沙年踰浩劫方日月諭之水火凡聖共觀人天等用法雖無量軌範不殊世雖有革威儀恒一至如出家入道須有受持大德法師宜相指授弟子既來丹倒師主當備科儀理須敬奉經文遵承典格必使三盟可則六證匪虧學道有師持經不犯而辭誓已納齋奏在期各從所請預宜擇日期之經法難以改移須自分明詭容混漫頃諸師者先用甲子為良或以正一受道曆通傳三洞且如甲子道德三皇用之受道之曆治籙符圖等事至於上清靈寶自有吉辰豈得雷同莫分涇渭而吳蜀二境京洛兩都迥相承用因循靡革萬福仰惟積善慶及庸微既廁道流又參真秘自升淨域向五十許年從師結誓亦四十餘載敢窺瓊檢竊誦金章香燈之暇輒此撰錄祇望示之門人未敢聞之于外

先修三洞衆戒已具二十一卷中恐披卷軸繁多罕能存錄今指行此一卷庶弟子誌之正一仙靈符錄等

甲子和合乙丑上剋下丙寅丁卯和合戊辰自刑己巳和合庚午下剋上辛未和合壬申癸酉和合甲戌上剋下乙亥和合丙子下剋上丁丑相生戊寅下剋上己卯下剋上庚辰相生自刑辛巳下剋上壬午上剋下癸未下剋上甲申乙酉下剋上丙戌上生下和合丁亥下剋上戊子下剋下己丑專和合吉庚寅上剋下辛卯上剋下壬辰下剋上癸巳上剋下甲午上生下乙未上剋下丙申丁酉上剋下凶戊戌專吉是天門不入端己亥上剋下自刑庚子和合辛丑下生上和合壬寅癸卯上生下和合甲辰上剋下自刑乙巳上生下吉丙午專火自刑丁未上生下吉戊申己酉上生下自刑庚戌下生上吉辛亥上生下自刑壬子專水吉癸丑下剋上甲寅乙卯專木吉丙辰自刑丁巳專火吉戊午下生上自刑

已未專土吉庚申專金吉辛酉專金自刑壬戌下剋上癸亥專水自刑
凡受道合和上下相生大吉專小吉自刑上下相剋凶不可度法籙經戒
陽平鹿堂等二十四治及遊散宿治

正月二日子日五十倍丑日二十倍寅日殺子卯日殺婦辰日大吉巳日自如午日九倍未日殺身申日殺婦酉日小吉戌日七十倍亥日五十倍
三月四月子日五十倍丑日殺母寅日大通卯日小吉辰日小凶巳日十倍午日師自缺未日三十倍申日三十倍酉日五十倍戌日二十倍亥日二十倍
五月六月子日殺母丑日害母寅日大凶卯日殺父辰日殺母巳日小凶午日殺子未日殺子申日殺母酉日五十倍戌日二十倍亥日不吉
七月八月子日大通丑日大凶寅日小凶卯日殺父辰日殺母巳日二十倍午日殺母未日五十倍申日殺子酉日殺母戌日

二十倍亥日五十倍

九月十月子日自如丑日自如寅日小凶
卯日二十倍辰日五倍巳日六十倍午日
大凶未日三十倍申日二十倍酉日二十
倍戌日殺子亥日殺婦

十一月十二月子日殺子丑日殺婦寅日
小凶卯日五十倍辰日五十倍巳日殺婦
午日殺父未日七十倍申日三十倍酉日
三十倍戌日大凶亥日殺婦

凡十二件度道吉凶日明尋之勿犯二
條出正一法文度籙度治儀

老君金鈕及經目并經等
右凡受道管齋用王相本命甲子朔望日
皆佳出太玄部老君傳儀注訣
神呪符契圖經等

右用正月上甲及每月一日十五日卯酉
時良出神呪經

洞神三皇符圖經等
右齋之辰及傳授皆擇王相本命甲子甲
申甲寅此為三元最吉出洞神經十四卷

洞玄靈寶自然齋中盟經真文二籙靈策神
杖等

右春用甲寅乙卯夏用丁巳丙午四季用
戊辰戌戌巳未巳丑秋用庚申辛酉冬用
癸亥壬子建王之日登壇也

五法
右受六甲符當以甲子日夜於庭壇風雨
入室禁山云以夜半設祭不言其日五嶽
用月上建夜半三皇云夜半於庭壇敷席
不言日五符云吉日清淨夜半時於庭壇
敷席出陶公傳儀今以六甲附老經禁山
三皇洞神法五嶽五符依靈寶法也

河圖寶籙
右以元正之夜行之最吉諸月三日二十
七日此是尊皇降見之日及甲子甲午庚
申本命太歲八節日皆大吉出九皇醮儀
上清七卷經目及經三籙諸法太素玄都紫
紋交帶等

正月九日十日二月八日九日三月七日
八日四月六日七日五月五日六日六月

四日五日七月三日四日八月二日三日
九月一日二日十月十日十一日十一月
十一日十二月十二日十三日

已上謂之天關九關之日亦曰朝太素
日陶云今歲茶子直辰天關九關每月
止一日臧宗道云傳三洞經法用天關
九關日出上清經及真誥中

凡厥受道皆有三盟初中微心以誠信又須
六證監視威儀正其虧闕既人有利鈍致法
有尊卑而漸頓宜殊勤怠須隔自微至著以
近涉深聖人垂旨接引如流即初請法各有
階差依其次第不可乘越但以世中道士衣
食累身且救目前未思死後少能向道已是
勇猛難勝若不獲勇提便恐歸依路絕所以一
壇之內數法不同三盟之中參受各異若人
人別受法殊壇非唯師與弟子弊其形勞
抑亦仙官煩於召請欲使古今取則凡聖合
宜事以道通法因人制庶上則諧於聖旨下
則得於凡心即天尊善權至道舍育其為博
也如抱愚不變執滯匪移實恐接路迷信

向情斷其有假道賣法求利取人同冒賢良欺謾愚騷而高張聲譽速俟招呼妄設軌模空為法則者置之言外吾所不論也竊見男女同壇或師弟不相對齋或師弟各自遊行或結齋之後始來告赴或不投辭並或抱素盡空或師借經法及假人經法或師為出法信或數師同壇或不書表刺不分契券或法次交互不期良日或虛注保證及廣書名德如此之流情所不忍復有無經法恃其豪富勢力及名望高遠耻人不歸強相招引為他傳授亦有曾受一法兩法或道德十戒乃唱言自云凡諸道法我並師受或簿解符章禁祝小技出入天庭或富貴人驅使或百姓信向豐衣足食少有僮僕使人傳唱招致弟子為傳經法或恃以年高德重俄然戴冠為人師範比之流例舉目皆是豈思冥冥罪殃及乎己身分甘冥苦其奈七祖九玄所生父母何世有殺父殺君及天違地自取夷滅者亦同怪乎哉既一壇之內參受不同宜就專法告齋之限取其良日其中小法齋內傳授普

嘗遊江淮吳蜀而師資付度甚自輕率至於齋靜殊不盡心唯專醮祭夜中施設近來此風少行京洛良由供奉道士多此中人持益部俗施於帝里又云靖思道父母忌不入靖燒香愚人景慕用為奇訣其道父母靖忌上禁祭酒奏章設醮元不及三洞上法至如戊辰巳巳戌戌巳亥隨日流行而十齋八節五通太素朝第山等天之定日求仙要領若與之會得不朝真者乎此蓋濟世小道非修身上法汝之弟子宜識之焉其或十齋八節既是眾聖按行條記功過亦曰良辰雖經不指言例之為善傳道所用必諧聖旨復有上帝殺伐日云不可舉百事此祇合藥律建諸所禁防至於受道固應無礙而始學初門幸能避之佳也三洞上法久悟法人自不拘也按金明道科但法具周辦即登齋告盟未使擇日賢者詳之

傳授三洞經戒法錄略說 肆三
前關
張萬福伏尋經旨人從虛無自然中來結形抱識法天象地備含萬類神明保衛貴不可得尊亦匹匹而染習塵勞流浪生死不能自悟天尊大慈善勸方便說經演戒開度天人普使男女同登正道然氣有清濁人有賢愚故教有三乘形分萬等法門漸頓蓋有由矣略說傳授指要如左
戒目
三歸戒 此三戒者初起心入道受令歸依三寶也
五戒 此五戒者令除五欲修五德持五戒出五濁也
八戒 此八戒者持八事以契八神上二戒錄生所愛也
無上十戒 此十戒者在俗男女所初真戒 此初真戒者新出家所愛謂始脫俗服入道也
七十二戒 此七十二戒者正一弟子所受即仙靈錄華是也
百八十戒重律 此百八十戒者正一道士所受老君授于古者也
天尊十戒十四持身品 此十戒十四持身品此清信弟子又所受也
太清陰陽戒 此五十文
想爾二十七戒 此太上天師所受

100011A 0-1